

CONVENIO DE COLABORACIÓN ENTRE A AXENCIA GALEGA DE SANGUE, ÓRGANOS E TECIDOS (ADOS), E A ASOCIACIÓN GALEGA DE DEPORTISTAS TRANSPLANTADOS E EN DIÁLISE (DETRADI GALICIA)

MEMORIA XUSTIFICATIVA

O xerente do Servizo Galego de Saúde, DECLARA:

Que a Axencia Galega de Sangue, Órganos e Tecidos (ADOS) formalizou, o día 24 de setembro de 2024, coa Asociación Galega de Deportistas Transplantados e en Diálise (DETRADI GALICIA) o instrumento convencional arriba referido, que ten unha vixencia de 4 anos, a contar desde o día seguinte ao da súa sinatura. Non obstante, de conformidade co establecido no artigo 49 da Lei 40/2015, do 1 de outubro, de réxime xurídico do sector público, antes da finalización do prazo de vixencia, os asinantes do convenio poderán acordar a súa prórroga.

Que o instrumento convencional ten por obxecto:

Establecer as liñas xerais que rexerán a colaboración entre a ADOS e DETRADI GALICIA para a definición e posta en marcha de actividades de colaboración que promovan a necesidade de coñecer e actualizar o proceso de doazón de órganos e tecidos na sociedade, o que permitiría unha maior posibilidade de transplante para os/as pacientes.

Que existe converxencia de intereses entre as entidades asinantes en orden á consecución do obxectivo referido.

Que o instrumento convencional que se asinou se fundamenta no seguinte:

A ADOS de conformidade co previsto nos seus estatutos, aprobados por Decreto 142/2015, do 17 de decembro, como entidade pública instrumental adscrita á Consellería de Sanidade, ten entre as súas competencias a de realizar actividades informativas e formativas para os/as profesionais, para as asociacións de persoas enfermas e organizacións civís e para a poboación xeral en materia de doazón de sangue, medula ósea, sangue de cordón umbilical, órganos e tecidos e o seu uso, así como promover a participación activa, no marco da responsabilidade social corporativa, de institucións, organismos e empresas de Galicia, nas políticas de promoción da doazón de sangue, órganos e tecidos.

A ADOS, que ten incluídas na súa Área de Órganos, Células e Tecidos as funcións de coordinación autonómica de transplantes, é a responsable de fomentar a doazón de órganos e tecidos na Comunidade Autónoma de Galicia, así como de realizar actividades formativas tanto para persoal sanitario como non sanitario en materia de doazón de órganos e tecidos.

Ademais ten asignada a intervención cos/as distintos/as responsables dos programas de transplantes e cos/as coordinadores/as hospitalarios/as para potenciar todas as actuacións

tendentes a mellorar o funcionamento destas actividades, especialmente daquelas dirixidas á consecución de doazóns, así como actuar como interlocutora coas representacións cidadás, medios de comunicación e asociacións doentes incluídos nos diferentes programas.

DETRADI GALICIA, nace con dous obxectivos primordiais: un obxectivo social de prestar apoio as persoas transplantadas en lista de espera para transplante e en diálise, tamén a aquelas que foron doantes de órganos ou de medula e as súas familias; como obxectivo específico a promoción, prestación de axuda e consello para a realización de actividade física e deportiva que redunda nunha mellor calidade de vida destas persoas.

Ambas partes, no respectivo ámbito da actividade, están interesadas en impulsar iniciativas dirixidas á consecución de doantes de órganos e tecidos, que permitan unha maior posibilidade de transplantes para os/as pacientes, sendo esta unha actividade de enorme importancia dentro das iniciativas tanto da ADOS como de DETRADI GALICIA.

De conformidade co artigo 6 dos seus estatutos, a Asociación DETRADI GALICIA ten entre as súas funcións prestar apoio ás persoas transplantadas e en diálise e aos seus familiares, fomentando ademais o deporte nestes pacientes. Do mesmo modo, traballa día a día para sensibilizar e informar ao conxunto de sociedade sobre a importancia de facerse doantes de órganos de tecidos.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de abril de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificado o recurso á sinatura do instrumento convencional, con exclusión doutras figuras.

E para que conste, asíñase esta memoria, en Santiago de Compostela.

